

Sjatu Skrifi

WAN ONDROSUKU NA LELY NANGA NASSAU BERGI, SRANAN

Ondrosuku dei

25 oktober – 6 november, 2005

Fa den ondrosuku presi tan

Lely nanga Nassau bergi na tu bergi na ini a sei foe Sranan pe son e opo. A doti habi boksit nanga isri di moksi kon tron tranga doti. Lely habi wan tu bergi di hei 700 m. Nassau habi fo bergi di hei 500 -700 m. A ondrosuku feni presi tapu den bergi di hei moro 500 m, so leki Lely: bergisabanabusi, hei dreigron busi, swampu nanga den difrenti sortoe palmbon nanga jongu busi, tapu Nassau hei dreigron busi, pikinso bergi sabana busi, pikinso palmbon swampu, jongu busi en wiwiri ini presi pe den koti a busi foe meki pasi nanga presi pe opolangi e saka. Den bergi disi habi furu presi pe watra e lon san sma di e tan drape kan dringi, so srefi wrokopresi leki wroko gowtu, njan-njan, dresi nanga udu fu bow oso, den sma kan feni.

Fu san ede wi ondrosuku a presi

A ondrosuku dis na Nassau nanga Lely bergi ben du fu feni sabi di ben mankeri fu a sei dati fu Sranan pe son e opo. A wrokomakandra di wi ben habi na ini a jari 2002, fu poti na tapu papira, den fosi sani di musu psa, a ben kon na krin taki wi ben mankeri prinspari sabi fu den bon, wiwiri, meti, nanga watra fu den bergi disi, di de fanodu fu kibri den.

A sabi di kon na krin fu fowru, meti, fisi, todo, sneki, mira nanga tor, o meki sma sabi den bon nanga meti moro bun, nanga fu kan poti den nanga di fu Brownsbergi, sei – nanga - sei nanga di fu tra kontren na ondrosei fu Sranan, nanga wan tu tra kondre di de krosibe fu Sranan, fu luku a warti san den habi so srefi tu BHP Billiton nanga Suralco di e wroko makandra fu kenki prakseri fruku-fruku abra den bon, wiwiri, nanga meti (= ala sani boiti bon nanga wiwiri), ini den kontren pe den e diki. Wi feni taki wi musu prati a njunsu, meki ala wroko- pè di e go diki a doti suku sani , musu poti den prakseri disi na ini den wroko.

PRINSPARI FENI

Lely nanga Nassau

- Difrenti meti
- 27 sorti de na ondrosei fu Sranan nanga wan tu tra kondre moro di de na sei sei fu Sranan
- 24 njun sortu, san e sori dati wi no sabi den kontren disi so bun ete
- Furu sortu bigi meti nanga bigi fowru (so leki popokai, powisi), e sori taki den presi disi na kibri presi fu den
- Den presi e luku bun, ma libisma e sutu meti nanga fuwru dape. So srefi gowtu man di no habi papira fu wroko gowtu, de na futusei fu a bergi e diki gowtu.